

TŌKU MĀPIHI MAUREA

Kura Kaupapa Māori

2020



He Pukapuka Whakamārama

137 Silverdale Road
KIRIKIROA

Postal Address:
P O Box 23017
Hamilton East
KIRIKIROA

Kawe reo/Waea: 07 856-8266
Waea Whakaahua: 07 858-3426
Imera: tari@tmmkkm.school.nz

Ihirangi **(Contents)**

<i>Mihi Whakataau</i>	<i>wh.3</i>
<i>Ko ngā whakaaro whānui o te kura</i>	<i>wh.3</i>
<i>Ko ngā kōrero nehe o te kura</i>	<i>wh 4</i>
<i>Ko ngā kaimahi o te kura</i>	<i>wh.5</i>
<i>Ko te poari</i>	<i>wh.5</i>
<i>Ngā wāhanga o te Tau</i>	<i>wh 6</i>
<i>Ko ngā utu o te Kura</i>	<i>wh 6</i>
<i>Ngā haora o te kura / Ngā haora kai / Te pānui o te kura</i>	<i>wh.7</i>
<i>Ki te ngaro i te kura.</i>	<i>wh.7</i>
<i>Mahi Hangarau</i>	<i>wh.7</i>
<i>Ngā pōtae / Te hari taonga ki te kura</i>	<i>wh.7</i>
<i>Ngā aratohu arahi tamariki / Ngā Hui-a-Kura</i>	<i>wh.8</i>
<i>Auahi Kore / Putea Waka / Kutu</i>	<i>wh.9</i>

He mihi whakatau

*He hōnore he korōria ki te Atua
He maungārongo ki runga i te mata o te whenua
He whakaaro pai ki ngā tāngata katoa
E ngā mātua, ngā kaitiaki o a tātou tamariki, tēnā koutou katoa.*

Te Koromakinga (Mission Statement)



*Tōku reo
Tōku ohooho
Tōku reo
Tōku māpihi maurea
Tōku reo
Tōku whakakai marihi*

Tirohanga Whānui (Vision Statement)

Kia eke ai te tamaiti ki tōna taumata.

Ko ngā whakapono:

E whakapono ana te kura:

- ✚ ki ngā mātāpono o Te Aho Matua
- ✚ ka taea e ngā tamariki katoa ki te ako
- ✚ mā te mahi ngātahi o te kura me te whānau ka eke ngā tamariki ki ngā taumata
- ✚ mā te huarahi o te reo Māori me ngā tikanga ka tū pakari ngā tamariki i roto i te ao kikokiko nei.

Ko ngā uara:

E tautoko ana te kura i ēnei uara:

- ✚ Ko te ngākau mahaki - manaaki tāngata, whakamana tāngata, aroha tētehi ki tētehi.
- ✚ Ko te pono me te tika
- ✚ Ko te whanaungatanga

Ngā Iwi:

- ✚ Ko Ngati Haua te tangata whenua. Nā rātou te mana whenua.
- ✚ Ka hāpai te kura i ngā tikanga o Ngāti Haua.
- ✚ Mai i te tirohanga ahurea Māori tūturu ka whakaaro nui te kura ki ngā tikanga me ngā mātauranga o ētehi atu.

Ko ngā kōrero o nehe o te kura

I te tau 1993 i whakaritea e ngā whānau o ngā kōhanga reo o Ngā Kuaka, Tōku Māpihi Maurea me Te Amokura kia whakatū ai i tētahi kura kaupapa Māori mō ngā tamariki e puta ana i ēnei kōhanga reo. E rua tau noho mai tēnei kura i tētahi whare o Te Kaunihera o Kirikiriroa i te huarahi o Pembroke i te tāone. He kura tūhāhā tēnei, ara, kāore i whai pūtea mai i te kāwanatanga ki te whakahaere te kura.

I tuwhera mai i te huarahi o Silverdale i te **24 o Paenga-whāwhā i te tau 1995**, e tata ana ki Te Whare Wānanga o Waikato. Ko te nuinga o ngā tamariki e ahu mai tonu ana i ngā kōhanga reo tautoko o te kura, ara, mai i a Ngā Kuaka me Tōku Māpihi Maurea. I tua atu o tēnā, nō ngā hau e whā.

Kāore he mutunga o ngā mihi ki a rātou ngā matua me ngā kaiako i para nei te huarahi, i whakapau kaha ki te whiwhi te kura e pēnei ana i tēnei rā. Whakamiha kau ana, whakamiha kau ana.

Ko ngā Kaimahi o Te Kura 2020

Tumuaki :	Laura Hawksworth
Kaiako Tau 0-2	Bella Melbourne
Kaiako Tau 0-2	Jahdine Tapara
Kaiako Tau 2-4	Lauren Bell-Kingi
Kaiako Tau 2-4/Tumuaki Tuarua	Dorie Olliver
Kaiako Tau 5-6	Namaka Barclay-Kerr
Kaiako Tau 5-6	Karepe Edwards
Kaiako Tau 5 – 8 / Pouako	Keriata Kuiti
Kaiako Reo Pākehā	Donna Barlow - Rolleston
Kaiako kaitautoko / kaiawhina	Lauren Bell-Kingi
Hekeretari	V'etta Ngatuakana
Kaitiaki / Kaitahitahi	Albert Smith / Royce Ngatai
Resource Teacher Learning & Behavior (RTL B)	Leeanna Herewini
Social Worker in Schools (SWIS)	Donald Turner

Ko te Poari

Kōmiti	Ko ngā tāngata
BOT Tiatangata (Chairperson)	Rutene Gabel Jadee Strother
Kaimahi Mēneti (Secretary)	Makere Paniora-Rautangata
	Rauhina Cooper
	Romana Rolleston
	Moana Woods
Tumuaki	Laura Hawksworth
Māngai Kaimahi	TBC

Ngā Wāhanga Kura o te Tau 2020

Te Wāhanga 1	Rāhina 03 o Hui tanguru – Rāpare 09 o Paenga whāwhā	
Hararei a kura	10 o Paenga whāwhā – 27 o Paenga whāwhā	
<i>Rā Hararei</i>	<i>Rāpare 06 o Hui tanguru</i>	<i>Rā Waitangi</i>
	<i>Rāhina 27 o Paenga whāwhā</i>	<i>Rā Anzac</i>
Te Wāhanga 2	Rātū 28 o Paenga whāwhā – Rāmere 03 o Hōngongoi	
Hararei a kura	04 o Hōngongoi – 19 o Hōngongoi	
<i>Rā Hararei</i>	<i>Rāhina 01 o Pipiri</i>	<i>Queen's Birthday</i>
Te Wāhanga 3	Rāhina 20 o Hōngongoi – Rāmere 25 o Mahuru	
Hararei a kura	26 o Mahuru – 11 o Whiringa ā nuku	
Te Wāhanga 4	Rāhina 12 o Whiringa a nuku – Rāpare 17 o Hakihea	
<i>Rā Hararei</i>	<i>Rāhina 26 o Whiringa ā nuku</i>	<i>Labour Day</i>

Ko ngā utu o te kura

Karekau he utu ā kura i tēnei tau.

Ngā Hāora o te Kura



Ka tūwhera te kura hei te **8:30 ia ata**, a, ka kati hei te **3:30 ia ahiahi**.

Kāore he rerekētanga o ngā haora ki te ua.

Me tae mai a te wā tika, kua i mua mai, i muri atu. Me tiki mai i ngā tamariki i mua i te 3:30 pm, kua i muri atu.

Ngā Hāora Kai

Te Wā Moko 10.25 – 10.55 karaka

Te Wā Tina 11.55 – 12.25 karaka

Te Wā Tākaro 1 :25 – 1 :55 karaka



Te Pānui o te Kura

Ka tuku atu tēnei ki te kāinga ia Tūrei. Me ngana koutou ki te pānui i tēnei kia mōhio ai ngā nekehanga o te kura. Ki te pīrangī ki te tuku kōrero mā tēnei pānui, me tae mai tō kōrero ki te tari hei te 9.00 karaka i te ata o te Rāhina/Mane.

Ki te Ngaro i te Kura

Ki te kore āu tamariki e haere mai ki te kura me waea mai ki te tari, me tuku pānui whakamārama rānei i mua i te wā ka ngaro atu.

Te Hāngarau

Ka haere ngā Tau 7 – Tau 8 ki Te Kura Takawaenga o Peachgrove.

Te Rā	Te Wā	Te utu
Ia Rātū	9:15 – 11:00	\$30.00 mo ia tamaiti mō te tau

Ngā Pōtae

Me mau pōtae maru rā ngā tamariki ia rā o te *wāhanga tuatahi* me te *wāhanga tuawhā*. Ki te kore, ka noho rātou ki ngā wāhi marumaru i ngā wā tākaro.

- Kei te tari ngā pōtae Sunsafe - \$10.00 te utu.



T-Hāte Kura

Me mau hāte kura ngā tamariki i ngā wā pōwhiri me ngā haerenga.

- Kei te tari ngā hāte kura - 4-6 \$25.99, 8-16 \$26.99, S-XL \$29.99 te utu.

Te hari tāonga ki te kura

E rāhui ana ngā momo taonga katoa te hari mai ki te kura i te mea ki te ngaro, te pakaru rānei ka aue mai ngā tamariki. Mā ngā taputapu pēnei i ngā hū retireti me ngā papa wira, e whakaae ana mehemea kei te mau hoki i ngā taputapu haumaruru. Ki te kore, kua rāhui.



Ngā Hū

Kāore i te whakaaetia kia mau hū teitei ngā tamariki, pēnei i ngā Pulps me ngā hū Wīra hoki. Me mau i ngā hū hākinakina, i ērā rānei e pai ana ki te hīkoi me te omaoma.

Ngā Aratohu Arahi Tamariki/Positive Learning For Behaviour (PB4L)

Ka whai te kura i ngā aratohu o te Assertive Discipline me te PB4L hei ārahi i ngā tamariki i te kura. He kaupapa here i tua atu hoki e aro atu ana ki ngā tamariki e pēhi ana i ētahi atu.

Mehemea ka kangakanga, ka patu rānei tāu tamaiti tērā pea ka hoki ia ki te kāinga.

Ngā Hui-a- Kura

Ka hui tahi ai te kura ki te karakia i te **8:55 ia ata o te Mane** me te **2:40 ia ahiahi Paraire**.

Auahi Kore

He Kura auahi kore tēnei. He wāhi korekaipaipa katoa ngā whenua me ngā whare o te kura.



Nga Kai Tika

He mea nui te taha hauora o te tamaiti na reira kāore te kura i whakaae ki ngā rare, ngā inu waireka me ngā inu whai kaha (energy).


E whakahaere ana te kura i tētehi huarahi hou mō te hoko kai hauora i te kura. Tirohia te whārangi ipurangi nei mō ngā kōrero, ngā rārangi kai anō hoki: <http://lunchorders.co.nz/> Kātahi haere ki te wāhanga e kī ana “Sign Up” i te tuatahi.

Ka tuku tonu mā te ipurangi, i te kāinga, ā ka tuku mai te kamupene i ngā kai ki te kura i mua i te tīmatanga o te wā tina (11:55 karaka) i ia Rāpare.

Para Kore / Kura Taiao

E whai atu ana te kura i ēnei kaupapa e rua. He inoi kia whai whakaaro ngā whānau ki ngā momo para i roto i ngā pouako kai a ngā tamariki. Ko tētehi o ngā whāinga nui i tēnei tau, ko te whakaiti i te maha o ngā momo para, ngā momo tākai i te kura. Ānei ētehi whakaaro hei āwhina i ngā whānau:

Tākai pī



Para kore pouaka kai



Putea Waka

Mehemea ka noho tawhiti tāu tamaiti i te kura ka āhei koutou ki te tonu ki Te Tāhuhu o te Mātauranga mō tētehi putea hei āwhina i a koutou ki te hari mai ki te kura, me te whakahoki i ō koutou tamariki. Ka whiwhi te kura i te putea, ā, ia wāhanga ka āhei koutou ki te tonu mai ki te kura mō taua putea. Kei te Tari ngā pepa tonu.

Kutu

I ētahi wā ka tirohia e ngā kaiāwhina ki ngā māhunga o ngā tamariki mo ngā kutu me ngā rīha. Ko te tikanga kei te whakamōhio atu ki a koutou, mā te kura pānui te wā ka tirohia e ngā kaiāwhina ki ngā māhunga o nga tamariki. Mehemea ka pā ngā ngāngara ki āu tamariki, ko te tikanga, ka noho āu tamariki ki te kāinga tae noa ki te wā ka whakatikahia e koutou i o rātou māhunga.

Hangarau Mohiohio / Waea Pūkoro

Kaua koa e tukuna mai ngā waea pūkoro/taputapu hangarau ki te kura. Mehemea he take kia mau mai tāu tamaiti i tētehi me whakawhiti kōrero ki te taha o te tumuaki. Mehemea he take, ka pupuri ki te Tari mō te katoa o te rā.

Hōtaka Manaaki

Kei te kura he hōtaka hei manaaki tamariki a muri kura mai i te 3.00 – 5.30pm i ia rangi. Nā Te Kōhanga Reo o Ngā Kuaka i whakatū, mā rātou hoki e whakahaere.



Tō tātou reo rangatira

He tono tēnei ki a tātou katoa, ahakoa pakeke, ahakoa tamariki e uru mai ana ki te kura, ki te whakanui i ō tātou reo rangatira i ngā wā katoa. Mā te kōrero tonu, ka ū.

